

U.B.C. LIBRARIES

STORAGE-ITEM
MAIN - LPC

LP9-F22A

U.B.C. LIBRARY

PC

3323

B377

1905

THE LIBRARY



THE UNIVERSITY OF
BRITISH COLUMBIA

TESTI ROMANZI

PER USO DELLE SCUOLE

A CURA DI E. MONACI

PROVENZALE. Insegnamenti
pe' giullari di Giraut de
Cabreira, di Giraut de Ca-
lanson e di Bertran de
Paris de Roergue.



ROMA

ERMANN O LOESCHER & C.^o

(BRETSCHNEIDER & REGENBERG)

. M . D . CCCC . V .

AVVERTENZA

Scopo di queste edizioni è agevolare nelle scuole la circolazione di testi altrimenti poco accessibili per il prezzo o la rarità dei volumi in cui vennero a luce. La lezione di ciascun testo è data soltanto come provvisoria; da bastare cioè allo studente per prenderne cognizione, e per valersene quando dovesse coordinarvi l'apparato critico. Si omette ogni specie d'illustrazioni che sieno di competenza degli insegnanti; ma, quando si trovi opportuno, si aggiungeranno brevi prospetti grammaticali e glossarj.

E. M.

Insegnamenti
pe' giullari di Giraut de
Cabreira, di Giraut de Ca-
lanson e di Bertran de Pa-
ris de Roergue.



ROMA

ERMANN O LOESCHER & C.^o

(BRETSCHNEIDER & REGENBERG)

. M . D . CCCC . V .

NOTA

I testi I-III son riprodotti dal BARTSCH, *Denkmäler der Provenzalischen Litteratur* (Stuttgart, Litter. Verein, 1856), pp. 85-101; il testo III B riproduce la lezione del ms. Campori, edita diplomaticamente da G. BERTONI, in *Studj Romanzi*, II, 88 e sgg. Nel n. I sono introdotti gli emendamenti a' vv. 10, 33, 51, 63, 112, proposti dal MILÀ Y FONTANALS, *De los trovadores en España* (Barcelona, 1861), p. 269 sgg.; quelli a' vv. 15 e 61 proposti dal MONACI, *Testi antichi provenzali*, Roma, 1889, pp. 32-33; d'en Egun in luogo di de negun è lezione proposta dallo CHABANEAU, *Biographies des troubadours* (in *Hist. génér. de Languedoc*, X, 139); cuja per evia del v. 142 è correzione propria. Del n. III B è da avvertire che i vv. 76-7 son raggruppati alla meglio dall'editore, il ms. mancando di qualcosa, di cui però non ha segno alcuno.

V. DE BARTHOLOMAEIS



I.

GIRAUZ DE CABREIRA.

Cabra juglar, non puese mudar
qu'eu non chan, pos a mi sap bon;
e volrai dir senes mentir,
4 e comtarai de ta faison.
Mal saps viular e pietz cantar
del cap tro en la fenizon.
Non sabz finir, al mieu albir,
8 a tempradura de Breton.
Mal t'ensegnet cel qet mostret
los detz a menar ni l'arson.
Non saps balar ni trasgitar
12 a guisa de juglar guascon.
Ni sirventesc ni balaresc
non t'auc dir e nuilla fazon.
Bons estribotz non t'ieis pelz potz,
16 retroencha ni contenson.
Ja vers novel bon d'en Rudel
non cug quet pas sotz lo guingnon;
de Markabrun ni d'en Egun
20 ni d'en Anfos ni d'en Eblon.
Jes gran saber non potz aver,
si fors non ieis de ta rejon.
Pauc as apres, qe non sabs jes
24 de la gran jesta de Carlon:
con en trasportz per son esfortz
intret en Espaingna abandon;
de Ronsasvals los colps mortals
28 qe ferol dotze conpaignon;

- con foron mort e pres a tort
 traït pel trachor Ganelon
 al amirat per gran pechat
 32 et al bon rei Marselion.
 Del Saine cut c' ajas perdut
 et oblidat los motz el son.
 Ren non dizetz ni non sabetz ;
 36 pero noi ha meillor chanson.
 E de Rotlan sabs atretan
 coma d' aiso qe anc non fon.
 Conte d'Arjus non sabs plus
 40 ni del reprojer de Marcon.
 Ni sabs d' Ajolz com anet solz
 ni de Marchari lo felon ;
 ni d'Aufelis ni d'Anseis
 44 ni de Guillemes lo baron.
 De Florisen non sabs nien
 ni de las ganas de Milon.
 Del Loerenc non sabs co vene
 48
 Ni sabs d'Erec con conquistec
 l' esparvier for de sa rejon.
 Ni sabs d'Amic con si guaric
 52 Ameli, lo sieu conpaignon ;
 ni de Robert ni de Gribert
 ni del bon Alvernat Uguon.
 De Vezia non sabs cos va
 56 ni de Guondalbon lo Frizon.
 Del duc Augier ni d'Olivier
 ni d'Estout ni de Salomon ;
 ni de Loer ni de Rainier
 60 ni de Girart de Rossillon ;
 ni de Davi ni de Kai
 ni de Berart ni de Bovon.
 De Costanti non sabs con di
 64 de Roma ni de Prat Neiron ;
 de Gualopin ni de Guarin ni de
 ni d'Olitia ni de Dovon ; [Sanguin
 de Guaieta ni d'Aigleta
 68 ni de Folcueis ni de Guion ;

- ni de Aimar ni de Guasmar
ni de Fagele ni d' Orson ;
del orgoillos non sabes vos
72 de Cambrais ni de Bernison ;
ni de Darnais non sabes mais
com n' Aimeric en fes lo don.
Monmelian vas oblidan
76 on Carles fon mes en preizon.
Ja de Mauran om not deman
ni de Daurel ni de Beton.
Jes non saubes, si m' ajut fes,
80 del setge qe a Troja fon.
D' Antiocha non sabes ja
ni de Milida la faison.
Ni de Saurel non sabs qel pel
84 ni de Valflor ni de Merlon.
Ni de Terric non sabs, sot dic,
ni de Rambaut ni d' en Aimon ;
ni d' Esimbart ni de Sicart
88 ni d' Albaric lo Borguognon ;
ni de Bernart ni de Girart
de Viviana ni de Bovon.
Ni de Jausbert non sabes cert
92 ni de Folquier ni de Guion ;
ni de Guormon qui tot lo mon
cuidava conquerre per son ;
ni d' Aguolan ni de Captan
96 ni del rei Braiman l' esclavon ;
ni del bon rei non sabs qes fei
d' Alixandre fil Filipon.
D' Apoloine non sabes re
100 qu' estors de man deperizon ;
de Daire Ros qe tan fon pros
qes defendet de traizon.
Ni d' Olivier non sabs chantier
104 ni de Verdun ni Vosprezon ;
ni de Cardueill ni de Marcueill
ni de Aimol ni de Guion.
Ni sabs d' Ytis ni de Biblis
108 ni de Caumus nuilla faisson ;

- de Piramus qui for los murs
sofri per Tibes passion;
ni de Paris ni de Floris
112 ni de bell' Aja d' Avignon;
del Formanes ni del Danes
ni d' Antelme ni de Frizon.
De Rainoal ab lo tival
116 non sabs ren ni del gran baston;
ni de Marcueill con perdet l' oill
a la punta d' un aguillon.
Ni de Bramar non sabs chantar
120 de l' auca ni d' en Auruzon;
ni del vilan ni de Tristan
c' amava Yceut a lairon;
ni de Gualvaing qui ses conpaing
124 fazia tanta venaizon;
ni d' Aldaer ni de Rainer
ni d' Eranberg ab lo furguon;
ni de Rainier ni de Folquier
128 ni del bon vassall Rubion.
De Lionas ja non sabras
ni de Tebas ni de Caton;
de Nersisec, d' Arumalec
132 ni de Calcan lo rei felon;
de Tideus ni de Formus
que sofri tanta passion;
del cavalier ni del liurier
136 que sus en la garda mort fon;
ni de Riqueut ni de Mareut
ni d' Arselot la contencon.
Non saps upar, mot guarier
140 en glieiza ni dedinz maizon.
Va, Cabra boc, quar bet conoc
quit cuja urtar al mouton.

II.

GIRAUZ DE CALANSON.

- Fadet joglar, con potz preguar
aquo qu' es greu ad issernir,
q' ades ti don sirventes bon
4 tal c' om nol puesca desmentir.
E gardals motz be tras que totz;
de cels qu' en Giraut fes escrire
non sai lo quart, mas l' una part
8 t' en dirai segon mon albir.
Sapchas trobar e ben tombar
e ben parlar e jocs partir;
taborejar e taulejar
12 e far sinphonia brogir;
e paucs pomels ab dos coltels
sapchas girar e retenir;
e chans d' auzels e bavastels
16 e fay los castels assalhir;
e citolar e mandurar
e per catre sercles salhir;
manicorda ab una corda,
20 e cidra c' om vol ben auzir;
sonetz nota, fai la rota
ab deszest cordas guarnir.
Nou esturmens, si bels aprens,
24 ne potz a tos ops retenir.
Sapchas arpar e ben temprar
la guiga els sons esclarzir.
Joglar leri del salteri
28 faras detz cordas estampir.
Et estivas ab votz pivas
e la lira fai retentir;
e del temple per essemble
32 fai totz los cascavels ordir.

- Barba coja auras roja
don ti poiras totz revestir.
- Sil garnimen as quey apen,
36 ben poiras fol esferezir.
Artifici, car sigici
auras gran, si bel saps en dir;
tom de baston e de guoson
40 e fay l' en dos pes sostenir.
Apren mestier de simier
e fai los avols escarnir.
De tor en tor sauta e cor,
44 mais guarda que la corda tir.
Ta rudela sia bela,
mais la camba fai tortezir.
E faulas d'orc e joc de bore,
48 requier las qui bels te vol dir.
Pueis aprendras de Peleas
com el fetz Troja destruir;
e de Argus, de Dardanus
52 qe premier la feron bastir;
d' Eufrazion e de Jazon
con annet lo vell bon querir;
de Pompeigon e de Dracon
56 con anet a tonas murir;
de Dedalus, de Jacorus
con voleron per gran dezir;
del Semitaur e del tezaur
60 qu' Octavian fes sebelir;
e de Natan e de Satan
qe Salamon saup pres tenir;
del rei Seon el rei Amon
64 con fes Felip espaoirir.
Apren del pom per que ni com
discordia lo fes legir;
del rei Flavus e de Paris
68 com lo saup lo vachier noirir;
d' Artasenes e d' Ulixes
com dea Venus fes perir;
de Pelaus e de Pirrus
72 que Nicomedes fes morir;

- e de Pallas e d' Eneas
com el anet secors querir;
d' Escaneus e de Tornus
76 com saup del Montalban issir;
de Sibilla, de Camilla
com sabia grant colp ferir;
e d' Ismael e d' Israel
80 cui hom per cors non poc querir;
del rei Leri e del emperi
del pueg on vens non pot ferir;
de Romulus e de Remus
84 cil que feron Roma bastir;
de Macabieu lo bon juzieu
don potz trop bona chanson dir;
del rei Brutus e de Leus
88 com saup ab son fraire partir;
e de Foler e de Doer
com fetz lo taur acondormir;
de Galias e d' Ipocras
92 com Galias li saup mentir;
del Baraci e del devi
que anc non poc al lop fugir;
e d' un' amor qu' es de dolor
96 de Dido car s' en vole aucir.
Apren, Fadet, de Lanselet
com saup Islanda conquerir;
e de Ditis e de Felis
100 ni com`lo fes amors morir;
de Marescot e de Nenbrot
qui pogran leu un bou trair;
del duc bastart de Luziart
104 com auzet lo cor enardir;
de Pamfili de Virgili
com de la concas saup cobrir;
e del vergier e del pesquier
108 e del foc quel saup escantir;
de Menelau com el a frau
fel mirail de Roma fremir;
e de Pipin e d' Olein
112 que no volc lo pau devezir;

- de Clodomer e pueis d' Errer
 e de Picolet l' escremir;
 de Zarones, d' Olorfenes
 116 com lo saup gen Juzei trair.
 E pueis aprems con cil de Rens
 en feron Julius fugir.
 Apren d' Aureill e del conseil
 120 que det la domn' apres dormir;
 d' Orielus e de Nisus
 con lor amors nos poc partir;
 e de Bretus, de Cassius
 124 con saubron lor senhor aucir;
 d' Epolibus e de Leus
 cui non volc lo sers obezir;
 de Guamenon e de Dagon
 128 com laisset si meteis aucir;
 e pueis d' Amier, lo fil Rainier,
 con fes lo jovencel burdir;
 e de Bazil, del Falcembril
 132 com fes son mal talan merir.
 Apren Caton e del mouton
 com per maistre saup guerir.
 Sapchas d' Amor com vol e cor
 136 e com jai nuda ses vestir,
 e non ve ren, mas fer trop ben
 ab sos dartz c' a fatz gen forbir;
 dels dos cairels l' us es tan bels
 140 de fin aur c' om ve resplandir;
 l' autr' es d' acier, mas tan mal fier
 c' om nos pot del sieu colp guerir.
 Comandamens nous, si l' aprems,
 144 i trobaras, senes mentir.
 Apres sabras los catre gras
 el quint escalon defenir;
 com va de briu e de que viu
 148 ni que fai can ven al partir;
 e dels engans que fai tan grans
 ni com sap los sieus destruir;
 e del Fenix com foral rix
 152 nil devinalh fes adimplir.

Can so sabras, tu t' en iras
en Aragon, senes falhir,
al joven rei, c' autre non vei

156 miels sapcha bon mestier grazir.

Sil fadeyar no vols laisser,
can volras en sa cort venir,
non querelhar ja del paguar

160 sil melhor non be fas auzir.

III.

A. - BERTRAN DE PARIS DE ROERGUE.

- I. **G**uordo, ieus fas un bo sirventes l'an,
E, si pogues, fera vos bon e bel;
Mas eras vey que n' ay perdut l' afan
4 E vuell hueymays queiratz autre capdel.
Anc no saupes chansos ni sirventes,
Vers ni descort qu' en cortadis fezes,
Que nosabers vos marris eus cofon:
8 Soven dizetz so qu' es d' aval d' amon.
- II. Jes no sabes d' Artus tan com ieu fas
Ni de sa cort, on ac man soudadier,
Ni d' Aspinel per c' aussis l'escassier,
12 Ni com bastie Toleta l' amiratz;
De Moyzen com anet per la mar,
Ni d' Aluxe qui fo ni que saup far,
Ni no sabetz qui valc may c' om dal mon,
16 Ni cos perdet Marsilis en la fon.
- III. Ni no sabetz cossi pres del jayan
A Tydeus, cant li tolc del castel,
Ni no sabetz las novas de Tristan
20 Ni del rey Marc ni d' Apsalon lo bel;
D' Apoloini no cug sapiatz res,
Ni d' Odastres degun bo fag c' anc fes,
Ni no sabetz per que selet son nom
24 Palamides sul palaitz al prim som.
- IV. Ni no sabetz qui fes l'assaut de Tirs
Ni d' Argileu lo bon encantador,
Ni com bastie lo palaitz ni la tor
28 Devan Laon per lo bon rey trair;
Ni no sabetz del senhor de Paris
A cal esfors pres Espanh' e conquis;
De Priam lo rey no sabetz re
32 Ni de sos filhs, si fero mal o be.

B. - BERTRAN DE PARIS ALS GORDONELS.

- I. **G**ordotz eus fatz . un sol siruentes lan .
e seu pogues farians lo bon e bel .
mas ara uei qe perdut nai lafan .
4 e uueil oimais qeiras altre chapdel .
uos non sabes chanzon ne siruentes .
uers . ni descort qen cort adir fezes .
qe no sabers uos marris eus *confon*
8 esi metes . so qes daual damon .
- II. Uos no sabes dartus tant qant ieu faz .
ni desacort on ac maint soldadier .
ni dospinel con aucis leschasser
12 necum bastit toleta lamiratz .
ne con anet moyses sobre mar .
ni de iuseph . qui fo nique saup far .
ni no sabes qi ual mais con del mon .
16 ni cos perdet . narsius en la fon .
- III. Ne no sabes dagamenon lo gran .
ne deteon lo folausart qe fe .
ni dachille non crei sa pias re .
20 ne denas qe suffri maint afan .
ne no sabes. nouas de floriuen .
car primeiramen en franza mandamen .
ni no sabetz . qi fez ector auzir .
24 ni dandreuet qo moric de dezir .
- IV. Ne no sabes de depo de lefan .
qe fes lo colp del pe ab lo coltel .
ni del bon rei en antebus lo prezan .
28 per qe laisset sos hom es ses capdel .
e de cezar qe tot lo mon conqis .
sabes petit car pauc naues apres .
ne no sabes *per* qe selet son nom .
32 pol miser al palais al premier som .

- V. Ni ges non cug que sapiatz d' Ivan
 Qui fol premier c' adomesjet auzel;
 De Gairaudu no sabetz tan ni can
36 Ni de Cobloy ni de Salapinel;
 Ni no sabetz d' Ariel lo cortes
 Que pres per cors de cabrols dos o tres
 E quis tostems aventuras pel mon
40 E vole saber cant a mar de preon.
- VI. Jes de Merli l' Engles no sabetz re
 Que sapchatz dir com renhet ni que fe;
 Ni del bon rey Salamon ges non cre
44 Que anc ne fos nulh hom tan sapiens,
 Que saupes dir totz sos captenemens,
 Ni d' en Guio de Mayensal valens,
 Ni de la ost c' a Tebas fe venir
48 Fag c' anc fezes no cug sapiatz dir.
- VII. Ni non sabetz d'Adamelon lo gran
 Ni d'Ateon lo fol orat que fe,
 Ni d'Achilles no cug sapiatz re,
52 De Danias que sufrie mant afan;
 Ni no sabetz novas de Floriven
 Que pres premier de Fransa mandamen,
 Ni no sabetz qui fetz Hector aussir
56 Ni d'Andrivet com moric de dezir.
- VIII. Ni no sabetz d'Aripodes l' efan
 Quil det lo colp sul pe ab lo cotel,
 Ni del bon rey Neptanabus prezan
60 Per que laisset sos homes ses capdel;
 Ni de Cezar que tot lo mon conques
 Sabetz petit, car pauc n' avetz apres,
 Ni no sabetz novas del rey Gormon
64 Ni del cosselh qu' Izambart det sul pon.
- IX. Jes de Nobucodonozor non cre
 Sapiatz dir l' anta que Dieu li fe,
 Ni de Sepnacherib no sabetz re,
68 Ni com issi Dedalus de volan

- V. Ni no sabes caissi pres al iaian .
 dan edeus canç li tolç lo castel .
 ne no sabes las nouas de tristan .
- 36 ni del rei marc ni de salapmel
 dapolloine non crei sapiatz re .
 ni dedast re nul bo fait qel fezes .
 ni no sabes nouas del rei golmon .
- 40 ni del conseil qì simbartz det sul pon .
- VI. Ni re non crei qe sa piatz diuan
 qe fol premiers . qadomeschet auzel .
 de garandon non sabetz tan ni qan .
- 44 dotauian . ni danzalon lo bel
 ni no sabes dizael lo cortes .
 qe pres de . cors del cabrols dos o tres .
 eqi tostemps auenturas pel mon
- 48 euolç saber cant ac mar de preon .
- II. Ni de merlin lengles . non sabes tan
 qe sapiatz dir con regna ni qe fe .
 ni ges del rei salamon eu non cre
- 52 canç no sa uim home . plus ben anan .
 qe sapchatz dir sos rics captenemenz .
 ne eis degui de massa loualen .
 ni de la ost . qe tebas fes uenir .
- 56 faitz qe fezes non crei sapiatz dir .
- III. Ne no sabez qì fez lo saut de tir
 ne derseler lo bon encantador .
 con si bastic lo palais en la tor
- 60 dauant la ost per lo ric rei trair .
 ne no sabes del segnor de paris
 ab cal esfors en enpagna conqis .
 ni de priam lo rei non sabes ren .
- 64 ni de sos fiz . sis feiro mal obe .
- X. De nabucadonosor mes semblan .
 can no saubes lancta qe deus life .
 ni desir a caim . no sabes re .
- 68 ni con issic dedalus . de uolan .

Dins de la tor on sofri man turmen,
Ni com passet Perdicx son mandamen,
Car se ders tant ques cujet enantir,
72 Per qu' en la mar l'avenc mort a sofrir.

X. De Costanti l'emperador m'albir
Que no sabetz com el palaitz major
Per sa molher pres tan gran deshonor,
76 Si que Roma' n volc laisser e gurpir;
E per so fon Constantinobles mes
En gran rictat, car li plac quel bastis,
Que cen vint ans obret c'anc als no fe;
80 E jes d'aisso non cug sapiatz re.

XI. Si saupessetz so qu'es el sirventes,
Dels bos joglars foratz d'aquest payes;
Mas yeu non cre c'autr'om de say Clarmon
84 Vos saupes dir que fo ni don.

XII. A la valen comtessa de Rodes,
Car es sos cors pro e gais e cortés,
Portatz mon chan, no tematz freg ni son,
88 Gordo, qu'ieu l'am may que dona del mon.

XIII. D'En Canilhac aug dir quel platz totz bes;
E sel anas, creisser vos a d'arnes,
Car de bon pretz aug dir c'al cor volon;
92 Per que de luy vos partretz jauzion.

dinz de la tor . on sufri maint turmen .
 nicum passet per die son mandamen .
 qes ders tant aut qes cuiet enantir .

72 si qen lamar lauenc mort a sufrir .

X. Deconstanti lemprador malbir .
 canc no saubes . cant el palais maior .
 per sa mollier . pres tan gran desonor .
 76 si ofes constantinople . mis en tal ricor
 qai ac cor quel bastis qe set uinz anz obre
 [qe als no fes
 e uos daiso . non crei sapiatz res .

XI. A la ualent comtessa de rodes .
 80 car ason cors bel egail ecortes .
 portatz mon chan . nous teigna freitz ni son
 gordos qeu lam mais qe dona del mon .

II. Si saupessetz . so qes el siruentes .
 84 dels bos ioglars foras . daquest pais .
 mas eu no sai home en aqest mon .
 que eus saubes dir . de tot qi es ni don .



PERUGIA
UNIONE TIPOGRAFICA COOPERATIVA
(PALAZZO PROVINCIALE)
1905



611830

ERMANN0 LOESCHER & C.^o

(BRETSCHNEIDER & REGENBERG)

ROMA

Della medesima collezione sono pubblicati:

- Il Proemio del Marchese di Santillana. Cent. 50
Lusiada de Luis de Camões. Estratti dal canto III,
con un sunto di tutto il poema . L. 1 —
Poesie Provenzali allegate da Dante nel *De Vul-*
gari Eloquentia Cent. 60
Il Boecis Provenzale con glossario per A. Bo-
selli. Cent. 70
Poesie e Vita di Jaufre Rudel . . . Cent. 30
La lettera epica di Rambaldo de Vaqueiras per
V. Crescini Cent. 30
Poema del Cid, brani scelti da M. Pelaez. Can-
tar I, II, III. Ciascuno. Cent. 60
Glossario del Poema del Cid per Francesco
D' Ovidio Cent. 35
L'Appendix Probi e il Glossarietto latino greco
del papiro Sault. Cent. 30
Francese antico: Romanze, Pastorelle, Lais, Cau-
zoni, Ballate. Cent. 60
Racconti della quarta Crociata tratti da R. de
Clary e J. de Vilehardoin per V. De Bartho-
lomæis Cent. 60
L'episodio del Lancelot ricordato da Dante,
Inf. V, 127-137 Cent. 30
Poesie del re Giovanni Cent. 30

In preparazione:

- Poesie di Guglielmo IX d'Aquitania.
Poesie scelte di Bernardo da Ventadorn.
Estratti dagli antichi grammatici provenzali.



Prezzo del presente fascicolo . . . Cent. 60

DUE DATE

[illegible]

